

王田縣

蘇恭讓字未聞洪武十三年舉聰明正直知湖廣漢陽府治簡而明嚴而不苛每遇重役輒詰上官陳說多得減省郡守以治行稱者時有王宗顯呂文燧諸人恭讓與之齊名趙庭蘭者徐州人知漢陽縣有政聲故漢陽民言知縣則稱庭蘭言知府則稱恭讓

參明史暨補人物考

劉本洪武二十七年進士由行人累遷陝西左布政所在俱有惠政以剛直獲罪降交趾參政莅事十餘年與劄平黎季犛之亂陞山東按察使卒祀鄉賢有雲泉集行世子忠正統七年進士官陝西參政

李茂事母至孝每日登堂必拜母遇宴會尤恭謹母卒廬墓三年有白兔繞其墓鄉人異之成化間旌表授國子生官主遵化通志卷五十一列傳

簿

劉文寵宏治三年進士知江南如皋縣例養馬百匹永樂間六安州以災暫寄馬千三百餘沿習不改大為民病值朝使清釐馬政文寵力言其擾得如原額江南官至河南按察通志

僉政

董銳字蓮之興左衛人宏治六年進士督運宣大使出納嚴明由部郎出為河南參政受銀牌綵幣之賜官至甘肅行太僕卿卒祀鄉賢子潤瀾俱入國學潤以詩著名

劉且字啟東興左衛人以山東濰縣丞陞知縣

張儒字采臣號九峰幼失怙恃為吏所發

為人曰欲汝為馬醫耳因悲憤苦讀家貧不能得書偏借

文旋鈔旋記寒暑不輟通春秋家言舉正德五年鄉試判河南衛輝府平巨盜陳卿剗小灘兌弊明張廣非盜發耿廷章之奸論叔兄之倫使王儒李大義各知愧悔居家孝友謙篤誨迪不倦鄉里重之著有九峰集

張經字天敘興左衛人正德六年進士任戶部主事督理通州糧餉多所興革歷員外郎中抽分九江清介不染出守山東東昌府卒祀鄉賢

龔寶字賢甫縣學諸生任山西陽曲主簿政尚平易一塵不染致仕歸囊橐蕭然講授不輟士半出其門著有四書參議春雲文彙祀鄉賢

蘇琳國子生性純謹重義輕財田產千金悉讓之兄無難色鄉人咸歎美之

遵化通志

卷五十一

列傳 明

三

王璋興左衛人孤介尙節義勤學勵德妻郭氏未娶喪明岳家請別娶璋曰婦失明夫可別娶夫失明婦亦可改適乎卒娶之後官教授有宦妾廢居欲委身於璋璋執不可曰吾有多子幸成立遠理事豈可爲哉有村老遺錢米門側爲收之次日返其人見竊瓜果者揚聲緩行以存其恥卒祀鄉賢子价孫世家世康世濟皆以宦績著价字國璠博學強記善詩詞事母以孝聞官山西芮城縣丞清操卓著芮民多積逋不忍急於催徵竟告歸世康舉嘉靖十三年鄉試經史百家靡不淹貫於天官家言尤精不樂仕進以孝廉終

桑福字謙之嘉靖十九年歲貢翰晦不仕興鄉人處恂恂敦篤伯父春失明田園美者悉以奉之子如芝亦以歲貢卓有孝行尤邃於易試禮部不欲仕散裝貨於族服天姿篤厚人

未見其疾言遽色有司表其賢桑氏家法遂以忠實義友稱

甲一邑

如芝一作恩貢

李充實字中虛嘉靖四十四年進士任戶部革小難兌筭十
八事鏡諸石尋任遼東清餉羨爲當道重出守蘇州賑饑活
數萬人遷河東運使以鯁直忤時去卒祀鄉賢

孫光祖字孝先萬曆八年進士知河南屯留縣平徭賦賑濟
荒自奉清苦若寒士豪猾憚之陞戶部主事卒於官祀鄉賢
胡秉直字獻白家貧篤學舉萬曆八年鄉試知河南河陽縣
有豪猾交通大僚搢紳恣意亂法前令莫之敢撻秉直下車
訪得其兇淫狀以鈎距置諸獄聞者相率投訴積狀數百庭
訊伏罪立杖斃之有盜渠善泗聚眾剽劫捕急輒伏水中能
歷數晝夜不出秉直於迎春日結綵張筵務爲美觀誘使必

遵化通志

卷五十一

列傳

四

來密布邏卒伺之遂就擒餘黨悉置於法民以胡青天呼之
直指薦爲治績第一遷知均州尋謝病歸秉直夙治禮記言
動每遵古法主持名教無少假借同社名宿如江一鵬王維
德亦憚而敬之子二允孚剛毅有父風以國子生肄業成均
作字字惺一穎敏嗜詩幼時出句多奇創隨在河陽於書無
所不讀秉直以致知力行爲訓嚴冬盛暑侍立不倦歸試京
兆卒於家

王大智號濬宇世籍遷安後移玉田因家焉舉萬曆八年進
士陝西西安府推官富平孫丕場塔怙勢亂法大智曰太宰
塔亂法法復安用乃下獄抵罪而謝不佞於丕場丕場特重
之及丕場再起掌銓政適吏部主事缺丕場以大智薦歷考
功司代主選事復掌計典無敢以一弊及門時崔呈秀方貴

辛與大智比舍居絕不通問呈秀以王濬字何獨相棄語人
大智聞之遂移疾去崔魏敗起大僕寺卿未幾復乞歸天啟
辛酉以還畿東脚貳或辱於逆璫或罹於城陷大智以介特
之節超然事變之外人謂清德所致云崇貞九年卒於家子

祭葬如制

識輔
人物考
祀鄉賢

張解蘭偕妻楊氏孝養繼母爲鄉里所稱解蘭每赴戚友禮
筵必詣先人木主前揖而後行返亦如之萬曆間玉境連年
水澇人多流散解蘭言於當事倡率各村開濬河道且捐米
煮粥食之嗣水就軌民獲有秋全活甚眾

識輔
唐志

王維德字鉉若號葵南有文學名工詩賦玉田志所創修也
泰昌元年選貢邳州教諭所識拔皆知名士遷知江南巢縣
明季經費煩多吏白徵比輒曰摧科易耳急將重利稱貸是

遵化通志

卷五十一

列傳 明

五

賦外有賦也忍秦越視民哉民感其德輸納反先他邑於簞
差尤慎恐役得票虐民且妨農也嘗置鍼碌筆中點處以鍼
痕辨真膺文牘用印必記其聲一日聲有異詰之則吏以父
老竊印削爲冠帶壽官者惟德曰此孝事也罪在不先白耳
責其人而仍給焉署內暮賓刑錢筆札事必躬親以勞瘁卒
於官子三所鏡所錫所鑄并縣學生

張首標字翹甫父執所有鄉望首標幼時議論不與眾侔締
交盡一時之彥崇貞七年進士知山西交城縣拔李之奇等
五人出所訂制藝百篇授使熟讀指示法脈並相繼成進士
調繁汾陽時豪藩肆虐民苦荼毒首標不避權勢挺身相抗
直聲動朝廷汾交士民稱誦不衰兩縣並祀名官祠

劉啟廉以孝稱母歿廬墓終喪有司旌之

蔡元美字坤齋性孝友親喪哀毀骨立兄疾同寢一榻衣不解帶人無倦容年三十餘無子妻張勸妾不從潛爲聘于氏女不納道還不索聘財親識不能婚葬者每傾囊助之妻連舉三子崇貞八年歲貢或勸之仕元美日身不耐寒暑性復畏奔競瀟灑暮年訓子弄孫不以彼易此也平居孜孜講學邑知名士多出其門年七十八卒著有四書便蒙要旨易經便蒙要旨人物志補坤齋集等編

梁惟純字敬吾孝母勤讀外祖張惠嘗宰壽張坐失誤封王斃於獄殯某寺階下母引爲恨臨終屬諸子曰若等奮志讀書有服官山東能以骸骨歸葬吾願畢矣惟純果以明經除滕縣丞詣寺訪得之遂具棺衾歸葬

江一鵬字鉉儀號念洲生而穎異過目成誦與邑名宿丁光遵化通志卷五十一列傳明
六
射胡秉直王惟德張安勉爲忘年交父西洲寢疾衣不解帶者年餘終父喪課徒奉母負笈知名者五十餘人孀姊無依奉養四十年如一日育姪息如己出歲饑施貲瘞道殍食餼三十年及貢而卒入

國朝其子姓遂多科第云

江一鵬字仰洲一鵬堂弟穎敏早入縣學天啟季年每語人曰朝政如此國事可知遂絕意仕進以實踐獎率後學居家敦孝友與兄一鵬避崇貞己巳之難兄體肥一鵬扶掖始行爲亂軍所擄欲兵之跪而進曰此我兄也留以養母從則我從殺亦我殺引頸以待擄者高其義兩釋之

孫志仁少從父商存心仁厚以布幣贖擄接二百人歲歉輸穀二百石賑饑有軍卒負志仁銀上官廉得實勒償所負志

仁憐其貧竟請釋之

馬學會字約齋力學善書嘗讓產於伯兄學使匾旌之元配孫氏早喪義不再娶蔬素三十餘年

桑開基字二南縣學廩生孝繼母友于諸弟精易數課學城隅別墅從遊甚眾就試邱廐有妓遭撻夜半踰牆求寄棲泣訴歸必不得活開基呼僕然燭危坐讀書至曙崇貞時亂民肆交劫獨相戒勿犯道學桑先生家開基見時事不可為憤懣不勝聞流寇陷都城遂死之祀鄉賢子三並補縣學

桑鳳苞字闇然號丹成縣學生性至孝博極羣書值世變滄桑絕意進取築別墅於駿泉西偏位置花木每攜二三親知極觴詠嘯歌之樂子開遠養志園林出必從從必侍立終日高品大年遠近以為矜式

遵化通志

卷五十一

列傳 明

七

桑鳳翥字瑞廷縣學廩生孝友博學尤精於易督學見其文奇之曰公輔器也拔冠其曹科舉十二試不售退而教授生徒遊其門者擢科名致通顯者皆殊勳名宿卒祀鄉賢門人私諡肅範先生著有四書精義大易直解古今人物考子開運

國朝順治十二年進士以禮部郎中山東提學道過

覃恩贈如其官

郁尙仁字靜山縣學生敦篤至孝母周氏歿廬側三年不御酒肉置義田贍族知縣葉重第為撰義田記并匾旌之子光謨字新宇亦縣學生孝謹有父風視族人可學者百方誘掖之母喪廬墓讀書年餘哀毀卒於廬次巡按匾旌之祀鄉賢

孫曾多擢科名

吳顯葉重第撰廬墓堂義田記略 古常稔田千畝以濟羣
族初孫至好施子貧不逮及參大政乃置常稔田千畝以濟羣
爲人謂世不再覩賢與之共化廉誦諸生中有所謂郁處士
之事思得者老尊賢與之後一人哉始處士南六歲貌然居孤
母氏迹其相則范公以又年老乃愛旦夕命裁顧此子類
盡壤其業周抱處士泣曰天幸吾乃愛旦夕命裁顧此子類
如無以報地下於是晨昏哭泣始產僅六戶外事奉翁姑甚嚴
身先威獲其煦煦好自德濟顛振貧筆縷樵之仁與身後之義
數值歲歲禮儀傾囊瞻族處士請曰夫生前之仁與身後之義
孰多兒意亦如汝南范公善舉人在屯東地藏廟之南擇族
耶乃處士故自取沃壤延袤百畝人食粟三斗女帛一疋木
之賢者掌其計每歲終照口加給人食粟三斗女帛一疋木
棉一斤以故十餘年間水旱相仍其族無流離轉徙之慮上
承親志下貽孫謀謂非文正後乃知事不以諸難不以款
政易田不以千畝多不以百畝寡大小無殊在滿其分而已
必曰義田惟執政可置安得人盡爲執政處士之業五十幾
首章毀骨讀禮墓傍慘焉不知有生人事余嘗識之苦塊中
執手慰勞杖而後起問及義田位然避席以爲此母氏志也

遵化通志

卷五十一

列傳

明

八

余謂邑長吏法得廣勵學宮獎進類時故深嘉之具上其事
監曰嘉歎行縣旌額余扁其室曰貞惠流芳以紀周氏之節
又曰孝義砥行以紀處士之孝因爲勒石以昭不朽嗟乎聞
處士之風孝弟之心可抽然生矣

杜文遠好義樂施萬歷三十二年捐麥百石賑饑知縣張至
發申撫道扁其門

王宏道縣學生敦篤好學先是邑無學田萬歷四十二年宏
道輸田一頃爲學校育士之資王大智撰學田記 詳建置志
學校

豐潤縣

馬俊洪武二十七年進士歷官御史給事中糾劾不避權要
七降七陞不易其介出使遼東道經本縣不用一夫一馬曰
吾不敢累父母之邦也其他行事多類此祀鄉賢

白整永樂三年舉人知湖廣華容縣朝命採木營建宮殿而
虺毒螫人整設法調護甚至九載考績陞河南磁州同知華
容父老赴闕懇留改岳州同知仍攝縣事熟習民隱每有微
發父老商度以應又十年致仕囊橐蕭然無異其初民不忍
離遂世居焉祀鄉賢

參湖廣通志

石大用正統八年歲貢肄業國子監時祭酒李時勉以忤王
振被誣枷國子監前大用抗疏言時勉擅伐監木罪有應得
但年已七十血氣衰邁軍以盛夏薰蒸飲食日少幾瀕於死

遵化通志

卷五十一

列傳 明

九

臣與時勉誼屬師生願赦時勉罪下臣司理以代之臣雖死
不憾疏入振內慙助教季繼請解於會昌侯孫忠忠附奏太
后太后爲言之帝立釋之大用樸魯初不爲六館所知至是
名動京師多作詩歌贈之九年舉順天鄉試官兵部主事祀
鄉賢

吳瑞景泰元年舉人成化八年以御史出爲浙江按察僉事
督築海塘延袤數百里兩月而成又浚吳淞江東至徐公浦
西至夏家浦百三十餘里民甚德之官至四川副使祀鄉賢
王甯貢生福建祁門縣丞有賢聲上游委理疑獄不誘貸利
兩造無冤考滿歸遂不仕

董讓成化十八年歲貢福建棲霞縣主簿貧不易節以清白

聞

唐從方貢生淹博善詩賦知湖廣巴陵縣毀淫祠十餘所政績卓然

馮敬性至孝母卒廬墓晝夜號泣鵲巢於廬狼宿於墓皆馴

擾不驚巡撫御史請免本里雜役鄉人德之成化間旌參明史

徐得道以孝聞親卒廬墓三年後築廬處土隆起高丈餘

劉大本字尚質縣學生事母孝及卒廬墓躬負土石築塚甚

高朝夕拜泣有蛇免馴擾之異

陳金開平中屯衛千戶少貧恆以不逮奉親為憾言及必涕

泣待異母弟尤周學弟歿撫遺孤加厚

魏瑋興前衛千戶通經史嫻韜略宏治盜賊猖獗眾皆束手

不知所為瑋奮勇擒之以功陞本衛指揮僉事

郭經興前衛千戶有膽略博學能書正德二年武進士官遊

遵化通志卷五十一列傳明十

東備禦與弟綸俱以死勤事子衛國陞襲指揮僉事克承父

老亦死王事並祀鄉賢

許驥興前衛百戶正德間死王事子襲千戶祀鄉賢

楊秉信貢生山西太原府訓導置文行二科課士成就甚重

鄉黨愛重之

谷選字北峰敬兄如父析產惟聽兄命母悅與之同居善養

有方母壽九十七子疇

谷嶠字惟升嘉靖十七年進士知江南江都縣行取御史巡

撫湖廣有平賊功陞浙江副使直倭入寇以計殲之遷都御

史巡撫助陽乞養歸萬曆改元中外交薦不起曹鼎望撰傳參錄輔唐上

魏文傑孝母至古稀尤篤時稱魏孝子嘉靖二十一年知

劉佐旌其閭

石廷珪貢生事親友于異母弟官山東莘縣教諭正文
課程因材開發多士歸之子邦政

石邦政字文衢嘉靖三十一年舉人官至陝西延安府同知
豐潤縣志自知縣王納言始邦政與谷九鼎同任編纂事質
文直各於族姓無所溢美九鼎字時舉嚮從子以隆慶六年
歲貢官山東黃縣主簿

鄭英興州前屯衛人務農樂施歲飢輒出粟周濟族黨差徭
不待催徵先代償之子時平舉嘉靖三十六年鄉試

裴子成富而好義代族人償糧稅每不責報嘉靖中知縣時
鳳舉鄉飲大賓

高惟精聘同里鄭氏女未娶喪明父母不欲婚精曰設男警
女不嫁耶娶之和好終身知縣劉佐表其閨

遵化通志

卷五十一

列傳三

上

李應辰析產受田少糧則均不較也方四人同謁選一人後
至二人欲阻遲其至既入應辰首選後至者次之二人竟不
與焉

張九萬字冲字官內府參軍年四十八無子妻王氏勸置妾
不從值遠出王私娶鄉女養於家九萬歸夕王盛服出迎披
幃則所聘女在焉色變拒之即歸其女并不責原聘後連舉
三子

劉振世字左軒萬曆四十六年舉人丁父艱結茅墓側三年
不預外事知縣相大成旌之歷歙縣新河教諭以躬行實踐
勗人爲忠孝事崇貞十一年陞河南鄧州知州時鄧經張獻
忠破後歲復游饑良善寘亡振世多方招徠民爭復業鄰境
赴者設歸仁里處之力請代口糧牛種人心稍固十四年十

一月李自成羅汝才陷南陽舞陽溥州城孤援絕振世度不
支設伏於巷率老弱登城爲誘敵計賊發礮燬城城陷被執
不屈脅至新野密檄鄧人討賊事洩遂被害吏目李國璽千
戶余承蔭李錫諸生六人皆抗節死吳慎撰傳振世祀鄉賢
李時春與前衛人貢生知山東樂陵縣多善政卒祀鄉賢并
祀樂陵名宦

史萬言字純之貢生嗜酒工書長於詩賦著有鸞音集

史宸字夢麟興前衛千戶任三屯營守備以勇略聞陞三協
副將迭蒙敕賜撫按交薦未及掛印人以數奇惜之

殷和貢生歷山東朝城訓導保安教諭以古人自期外艱歸
以養母不復起衛有指揮宅鄰學宮求餘地廓所居暮夜餽
金力拒弗受

遵化通志 卷五十一 列傳 明

五

鄭國俊字竹齋貢生官江南廣德州判時江寇黃敦作亂國
俊畫策縛敦境內獲安知建平縣除火耗革積弊頌聲大作
乞養歸士民勒石誌之里居十餘年族人徭賦悉代輸崇貞
十年賑饑萬餘人

李昌澹字於瀾選貢崇貞十四年授山東莒州判十二月二
日抵任

大清兵薄山東將及莒知州謀解餉避他所委昌澹攝州掾
昌澹巡城上惟老弱存乃入語妻子曰民可逃官不可不死
我志決矣妻何氏孑爾均矢從死二十六日城陷昌澹衣
冠坐堂露刃置印旁爾璇侍側僕郭登雲獨力拒門數騎先
至斧門入登雲射之斃二人眾攻益急昌澹遂自刎死登雲
醢焉爾璇死堂側何氏經死署內無一存者長子光斗自豐

潤徒步走莒覓骸骨并得之輿三椀歸葬邑人曹鼎望作亭莒州傳祀鄉賢

韓祥崇貞十二年進士懷宗召進士魏藻德等四十人御文華殿問平寇雪怨之策祥對曰寇眾者民饑故也欲平盜必先撫民寇不平者兵弱故也欲平寇必先養兵撫民莫如薄賦輕徭養兵莫如增餉簡將上嘉獎之除知山東曹州值歲饑賑濟民賊首號小袁者寇山東勢方張祥詣賊營宣布威德賊感泣率眾降撫按上其事會

大清兵陷城遂殉祀鄉賢

徐于躍官遼東副將崇貞中戰死松山祀鄉賢

陳爾直字宜中好學不倦於水西構屋數楹四方來學者棲焉富不受束修貧則資以薪水有不能葬不能娶者每周給

遵化通志

卷五十一

列傳 明

三

焉


王則聘字莘野以明經選河南內黃教諭時諸生黃吉士好學能文則聘憐其貧給餼課讀後黃官御史巡關至豐則聘已歿哭之哀修墓盡禮厚恤其子時人兩義之

曹士直字和石以明經累官鼇山衛經歷中年喪偶不再娶亦不蓄婢妾兄弟怡怡祖產未析終不一言訓子孫多格言


入

國朝子孫多登科第致通顯者曹魯谷陳爲縣望曹并稱首

云



七



Handwritten text in Chinese characters, located in the upper right corner of the page. The characters are small and difficult to read, but appear to be a signature or a date.

蔣赫德本名元恆案劉志號九真世居遵化天聰三年

太宗文皇帝統師征明克遵化選儒生俊秀者送

盛京入文館讀書元恆與焉案劉志時年十五

賜名赫德崇德元年授秘書院副理事官

賜人四戶及牛驢七年分編漢軍入旂赫德隸廂白旂

世祖章皇帝順治二年四月擢國史院學士五月充明史副

總裁三年四月教習庶吉士四年三月充殿試讀卷官六年

正月充纂修

太宗文皇帝實錄副總裁五月復

命教習庶吉士七年四月以繙譯三國志成

湯鞏馬九年三月充殿試讀卷官五月因朝鮮國王李滉陳

奏國內外奸徒陰謀詛咒圖爲不軌俱已伏辜事赫德同侍

遵化通志卷五十二列傳 國朝

郎伊勒都齋

敕往朝鮮慰問十一年三月擢國史院大學士十二年正月

奉

詔直陳時務疏言察吏而後可以安民除害而後可以興利

方今百姓大害莫甚於貪官蠹吏懲治之法惟恃督撫糾劾

以其確知屬員之賢不肖也每見各督撫彈章指事列款贓

跡累累及奉

旨提問招擬覆奏計贓科罪不及十之二三不日事屬子虛

則曰衙役作弊卽坐衙役者又多引雜犯律例聽其贖免何

所懲憚而不肆行其志乎其始也官胥朋比虐取瓜分事敗

之後官則嫁名於吏以覲然灰吏則假貫於官以戒展脫究

之官吏優游兩獲無恙糾劾雖行竟成故事此因循之積

也請

天語嚴飭嗣後各督撫利劾貪官審結覆奏之時必全述原
奏疏語款數如前註明開報官及承問官職名某欺不實或
係開報官捏造或係承問官故縱務窮源質訊使是非不容
並立果係衙役詐騙者亦按律坐以應得之罪不准折贖則
貪蠹清而民生蘇息矣得

旨下所司嚴飭行二月

諭獎密勿抒誠贊襄竭力諸臣加赫德太子太保十四年正
月修輯

太祖高皇帝

太宗文皇帝聖訓以赫德為總裁十五年七月改內三院為
殿閣銜授文華殿大學士兼禮部尚書十月充武

遵化通志 卷五十二 列傳 國朝 四

殿試讀卷官十六年三月

諭獎勤勞素著諸臣加赫德少保兼太子太保九月同侍讀
碩博輝齋

敕往封朝鮮國王世子李柵為朝鮮國王十七年二月引疾

求罷得

旨卿清慎素著佐理有年念時有疾病准解任調理

聖祖仁皇帝康熙元年六月復設內三院

詔起為宏文院大學士二年三月調國史院大學士九月九

月卒年五十有六

賜祭葬如例諡文端 國史列傳 案劉志赫德歷事 一三
朝端方清慎時有流棍張廷諫韓鼎王
因爭釀禍遂以叛逆誣控赫德奉 命按之寃獄昭雪一
邑賴以無擾又久旱奉 命清理刑獄平反允字全活庶
一 生淡泊自奉儉樸無高大第宅今其後裔皆屯居青縣

李興元字若始號時敏遷化州人李志幼聰慧明定貞

二年

大兵入關興元甫十齡當事者憐其才俾從而東劉志隸漢軍

龐黃旂順治五年由拔貢生授直隸沙河縣知縣卓異遷

州知州薦歷江西吉安府知府康熙五年改補直隸永平府

知府國史在任多善政劉志查解逃人六十名以上敘功即

陞七年遷長蘆鹽運使列傳綜核鹺務商民稱便劉志八年

轉陝西隴右道十一年擢雲南按察使時

命察釋藩下佔民間子女為奴者興元實力遵行列傳國史第

豪惡雪冤抑遠近勸感甫十閱月值吳逆之叛假傳會議

刃迫脅授以偽職劉志興元厲聲抗言曰汝內為

國戚外封親王受

遵化通志卷五十二列傳國朝五

恩最重何為叛我為大夫可殺不可辱惟一死以報

朝廷吳逆加以繯繫及其家屬闕六載終不稍屈十八年十

月

大兵恢復湖南時三桂已死逆棄世璠徙興元於蒙化十九

年大兵入黔逆勢日蹙偽閣部郭壯圖棄黔回滇慮腹患十

月遣賊黨絞死興元家口仍囑候二十年十月大兵圍城

興元二子蔭秀奇秀俱被殺雲南平其第三子萃秀詣軍前

申訴其事二十一年巡撫王繼文察核得實具疏請卹得

旨李興元贈太常寺卿廕一子入監讀書雍正七年入祀昭

忠祠列傳國史崇祀鄉賢祠忠義祠劉志乾隆十六年

特旨李興元雖從前未賞世職但為國効忠情甚可憫著

賞給恩騎尉世襲固替萃秀由蔭生授四川廣安州知

遷湖廣安陸府知府元孫肇祥襲恩騎尉由鑾儀衛治儀正
張直隸懷柔都司調入溝都司四十一年遷廣韶州遊擊國

史列傳

張德地明戶部尚書守直會孫戶部員外郎一經子均齡與

選從

龍盛京隸鑲藍旗漢軍張氏族譜初以通曉

書在戶部學習順治九年授宗人府主事遷啟心郎十五

年遷太常少卿十七年遷太常卿十八年遷戶部督捕理事

官康熙元年擢順天府尹二年授四川巡撫五年疏言夔州

為水陸通衢請於雲陽巫山等處各設水站從之七年疏言

四川張獻忠亂後民少地荒請不拘省分凡無恆產傭工

遊食之人地方官查報即酌給盤費招徠安置文武官量予

遺化通志卷五十二列傳國朝

六

激勸川省可冀富庶下部議行八月以捐賑修城議敘加工

部侍郎銜九年五月以捐貲招四川民六百七十四戶安置

得所議敘加工部尚書銜八月疏言康熙六年奉

旨裁各省道廳以汰冗員但蜀居天末幅員遼濶擇其最要

者懇復四員以資管轄議政王大臣九卿科道議如所請行

國史列傳武生劉瑄等以武關舞弊誣訐之

遣使往按擬斬

恩赦免死德地叩

聞得雪張氏族譜十三年二月復授四川巡撫時逆藩吳三桂叛

七月偽總兵彭時亨等率眾三千餘犯廣元德地偕四川總

督周有德親禦之十一月陝西總督哈占以蜀中水陸阻賊

糧運難繼入奏

命德地同大將軍董額等保衛兵回廣元廣元兵回漢中守陽平等處勦除寧羌諸賊十四年逆鎮王輔臣叛蘭州陷

命董額等進勦留德地協守西安等處尋興安兵變又

命德地赴延安固守遏賊衝國史列傳尋被議復罷德地由卿

貳歷封圻前後幾二十年熟於地方利弊故條奏率能稱

旨免官後時以捐埃未報爲憾不數年悒鬱卒遠近每悼惜

之採訪冊

張德裕明城守標下千戶性友愛有膽識崇貞甲申流寇破

都城遣僞官李騾子來遵招降監視軍務德裕挺然不屈謀

訂就北門舉火誘李至甕城殺之一時稱快

國朝歷擢江北狼山協副將望誤坐罷復授福建提標參將

乞病歸以子應廕弟德辨士論多之州城文昌閣鄉賢祠皆

遵化通志卷五十二列傳國朝七

所倡修時復施粥及藥以濟貧病被澤甚眾

張德峻字贊史縣學生父羅崇貞己巳之難德峻生甫八齡

隨母氏郭避地河南依姊婿於汝州學署納婦嚴氏色養無

違入稱賢孝

國初旋里入泮後屢試不售杜門課子不預外事一生道義

自守有古君子風壽八十卒

穆從墨順治元年知山東萊蕪縣時鼎革之餘戶口流離從

墨設法招撫安集如故重農勸士修舉廢墜民懷其惠假歸

不復出僑居山東之曲阜遂家焉山東通志

袁白字希蓮縣學諸生工詩古文辭時

國初兵燹初平學廟以次修復碑記多出白手屬辭古茂一

洗明季艱澀餘習遺集今不可得採訪冊

周體觀字伯衡幼負異才喜讀左國晉魏書唐以來文愛柳詩愛杜所作多向自然恥事雕飾南州順治戊子己丑聯捷進士翰林院庶吉士未散館授戶科給事中轉吏科給事中

翰林題名

國初襲卹明季殉節諸臣刑部侍郎孟兆祥等九員以真實不及四保未與體觀與給諫張中王洽補贖再陳始得邀

殊恩榮史冊焉錄忠出為江西南瑞道副劉公私劇應中

歌詠灑然時豫藩王言遠矣藩施閏章少叅宋其武與體觀

有豫章四君子之目或欲合近詩刻之為豫章集體觀與閏

章瞿然謝曰今誰不能詩者乃敢以四子鳴遂各匿其詩不

出南州其退讓類如此當時名藉甚為北地翹楚劉閏章當

論其詩樸而秀直而雅著有南州草愚山晴鶴集國朝詩人

列傳 國朝

縣志自遭兵燹半就散失體觀輯而存之功在桑梓尤多臣

歸寄居河南濬縣子孫多以科名顯

疏曰戶科給事中臣周體觀謹奏為特舉之曠典宜嚴既核之幽忠可懸伏乞

聖恩錄以光信史事竊惟湯有天下顯忠遂良武王克商式閭封墓載在典冊君臣交美恭逢我

皇上追訪湯武嘉與忠烈特發

上傳察訪明季殉君死難文武諸臣給賜褒錄誠

任大學士范景文等二十四員業經部臣屢核真確盡忠死

節是實欽遵在案其中原任刑部侍郎孟兆祥並子進士孟

章明大理寺卿凌義渠太僕寺丞申嘉允御史陳純德文

選司員外許直惠安伯張慶臻新樂侯劉文炳宣城伯雋時

父子同盡或問門自焚較之四保未與諸覽諸臣死難實蹟或

及四上者非各衙門見有參差多緣已經核實未敢盡疏扶

恩數伏乞

皇上慰卹上恩特宣

天語論錄幽忠在部臣其難其慎察核再三以仰副

德傳之史冊永世無窮而獨使孟光等殉君死難屢經
部核陶節既著郵典見遺恐諸臣伏處九原未得與十五人
并留金石銘之我

皇上感卹初心當亦有惻然不忍者矣伏乞
勅部准行續錄則一代
大典傳信無遺華然之光垂於百世矣

宋之弼字介石生而穎異詩長好學不倦試童子軍即冠其
首年十四爲諸生不慕榮利以讀書養親爲樂性廉讓當兄
弟析產擇其腴田美業以給孀嫂及幼弟而自取磽薄者曰
吾尙可以經營廣業嫂弟孤弱恐不能也尙書文貞白與之
弼有連愛其才行以書招之欲遷其家於北平爲之區畫田
園宅舍復假以市肆約千金費之弼不顧曰吾家做廬固湫
隘而有天倫之樂雖千金何慕焉其介如此與朋友交言必
道義規正邑人倚重如山嶽事無大小悉咨之甲申陽賊敗
逃時有少年邑居賈姓者云潞安人實縉紳子習文墨爲賊
運化通志卷五十二列傳國朝

九

賜至之弼知其由適撫軍召諸生詢民疾之弼乘閒爲此人
言之甚力撫軍惻動沉吟乃釋去其慷慨任事又如此晚年
喜恬退慕白香山故事邀邑中高年者八人爲怡老會歲時
飲食衍衍如也卒年八十有二

五公山人集

賈維鉉明贈兵部尙書應元子維鑰弟世胄華廡值明末兵
亂棄家遠逸久無音問

國朝定鼎維鑰子光前以難隱明

恩卹遣人至五臺蹤迹之察識良確歸報光前趨迎維鉉初
見詢狀喜曰兄有後吾無憾矣吾已作間雲野鶴何以家爲
子第歸敬守先人壙墓毋我念也請益力拒益堅後竟厲聲
叱之曰我不姓賈爾何冒認光前不獲已怏怏而返維鉉亦
去五臺不知所終

賈光前字振宗父維鑰天聰三年

特授巡明兵復縣城閭族死難順治初

詔求維鑰後裔光前以布衣引

見賜四品服俸復其田宅編隸鏤紅旂漢軍世襲佐領光前

念公好義鄉黨貧窶多賴之卒祀鄉賢子紹聞字子運監生

歷四川巴州知州江南鎮江府同知所至減徭役革陋規民

每頌德鎮江謝氏爭產互訐紹聞反覆曉以大義皆感泣以

產相讓金壇某令以事激民變勢幾不測道府難之紹聞毅

然往折以片言首犯就縛餘悉揮去其明決類此乾隆初假

歸地方公輒踴躍先輸學宮社穀及開蘆兒嶺路州人稱

之設家塾課族子戚黨多沾其惠舊治士民北上每迂道抵

還藉致親慕亦具徵遺愛云

道化通志卷五十二 列傳 國朝

十

知州劉琦撰鎮江司馬賈子達諫文。友朋死生離合之故

關心大抵相同余今日之哭公感懷獨異于天涯忽然相

載耳二十抵年前三千里外早寄遙情于天涯忽然相

承訣回首當年固在茫茫百感一往情深昔在昔先王父鍾

嵩公會寫京江司馬當三葉南靖之餘綬轡巡防恩威並

一時幸亥數年內子因薄宦南闈往來過京如一日迨後雍

戊申辛亥數年中吏治以今賈司馬為最稱舉數大事如裁革鹽

稱運年都中吏治以今賈司馬為最稱舉數大事如裁革鹽

洋商役陋規應商民重困有謝家兄弟者控爭賄產致以垂

親獲見謝花復茂之美又金壇令某以事激鄉民聚眾勢甚

張太守難之公毅然獨往折羣兇附會者立時散去首

-12 155 38 925" data-label="Text">

惡隻身請縛皆其實政彰于五十餘年之聞時以嚴程急楚

-72 155 108 925" data-label="Text">

未及造署一謁且以瞻先人遺址每心焉藏之俟諸異日未

-22 155 58 925" data-label="Text">

幾於抄中見公致仕後然遐思必應有南天北地落落響

-72 155 108 925" data-label="Text">

借補廣川牧旆調適化即奇逢于自閩中讀禮歸服闋後

-22 155 58 925" data-label="Text">

神交復相見之晚及與都柔梓地也初晤時歡然道甘執

-72 155 108 925" data-label="Text">

鐵扶危助賊里之婚發捐寒儒之膏火石路崎嶇出資開鑿

-22 155 58 925" data-label="Text">

黃官破微倡始興修兩恂恂於鄉黨親族之內見者如坐春

-72 155 108 925" data-label="Text">

風乃知全云子常憶歷官所至自問海以抵燕山閱十餘郡

-22 155 58 925" data-label="Text">

邑鄉先生輩不啻數十人其可稱畏友良朋無踰我公者豈

八年澤旺阿喇滿坦侵瑛瑛密君賢隨鶴麗總兵趙某進討
出塢城口赴江雙橋地險絕且苦寒三伏中雪恒數尺君賢
毅然前驅略無難色軍士病卧雪中君賢載以所乘及馱裝
馬親食以湯粥病者多痊益皆感奮效死進程過牛番民歡
迎如時雨降會內地亢旱

廷議令退駐邊口主帥將班師君賢力爭曰藏地久被蹂躪
番眾望救甚殷我師所逼輒望風歸附謂天兵將蘇其困耳
今踰險十之六七可計日搗巢一退則番人失望降者復叛
再來攻取恐事倍而功未能半帥大悟覆奏前行仍令君賢
為先鋒兼程以進歷四晝夜乃抵喇哩君賢鼓眾先登擒斬
逆酋巴丹巴喇哩以平繼攻竹貢降其番目八月望後抵墨
竹公卡圍之三匝賊渠偽藏王自縛請降西藏克定君賢奮
遵化通志卷五十二列傳國朝

擊之功居多得

旨褒嘉授鶴麗鎮遊擊雍正二年提督郝玉麟出征青海疏
請君賢偕行遇賊擦瓦岡挺身迎擊擒奸目十三名降夷民
五千餘戶郝嘉嘆不置歷擢參副十三年授江西南昌鎮總
兵官加都督僉事所至整營伍簡將弁隨地制宜悉中款要
歷戎行垂五十年每著功績軍冗之暇時復以詩翰寫情性
乾隆六年

子告旌里閉門謝客惟蒔花種竹觴詠自樂居林下十年以


耄壽終有南遊草詩集行世


桐城項氏并採入國朝正聲集

孫維斌維鈺

並廢主事維鈺分刑部累決疑獄歷員外郎郎中出知福建
福甯府著糧儲道調漳州府卒以廉明播政聲歿後閩人多

思之





名成於庭訓爲多時稱一節成庚戌進士以教授選廣西
潯州通判策暨子瑞山皆鄉舉官學博州中士林多出其門
王宗武幼列行伍歷拔經制外委牆子路把總曹家路千總
乾隆四十四年考滿陞福建延平協城守右營守備四十八
年陞興化協城守左營都司五十年調臺灣北路協中營都
司所至得軍民心五十一年勦捕臺匪林爽文十一月二十
九日在彰化縣打仗陣亡事

聞

詔卹

賜祭葬如例給雲騎尉世職襲次完時給恩騎尉世襲罔替
事蹟宣付史館入祀京師昭忠祠子凱襲職

史呈祥字子猷性孝友好善樂施父母皆早卒每以未效烏

遵化通志

卷五十二

列傳

國朝

五

哺爲憾於某氏老而失明祥迎養之侍晨昏供甘旨終其身
不衰每日吾藉伸孺慕見於如見母也子四曰鐸曰銘曰鑑
曰錦以弟呈言無子命銘與錦爲之嗣讀書授室仍身任之
不以累吉吉亦克敦弟道州人言友于者恒舉爲式祥平生
喜揚人善遇遠近有孝義事輒極口稱道之於貧者餽贈之
以示勸聞者罔不感動雖婢僕多知節義然利濟及人從
有德色一時有善人之日年八十二無疾而卒今州城史氏
撥科名官中外者聯綿不絕無非祥之後裔也銘之孫樸由
進士官廣東道選

覃恩題

本生贈

大夫

李恩慶
誤傳略

李恆字公奇州西龍虎峪人嘉慶四年恩貢十二年鄉試以

年七十二歲

欽賜舉人十四年會試

賞國子監學正十六年會試加翰林院編修後遇禮闈復與試者累次道光五年卒年九十歲恒幼嗜學終其身攻苦弗輟家貧授生徒數十人多所成就子四登甲登瀛登科登蟬皆以夙學知名當時有四才子之目登甲恩貢就教登蟬進士知縣今李氏列鬻序貢成均者相繼弗絕咸知爲恆之遺訓焉

李登蟬字丹崖幼負異才讀書恆數月不解衣帶精詩古文

辭每成一藝遠近傳誦蔡景襄嘉慶十五年舉人道光二年

進士以知縣簽分陝西上官以其迂憊多厭薄之獨見賞於陝臬鄂山延至署使習案牘暇則課其子弟五年補沔縣調

中部縣中部故瘠區任官率苦積累登蟬自奉夙儉在官衣

道化通志卷五十二列傳國朝

六

食一如寒素故終歲施措裕如也嘗謂

國家之於牧令廉俸動至千金省嗇用之優於館修多矣胡

猶以貪墨取戾耶在任數年建古坊書院於隆坊鎮捐俸餘

爲倡文風蒸然土紳刊石頌德政焉十五年考滿歸

覲旋卒年六十有三著有九峰齋稿

徐成燕字桂亭磊落負大志弱冠遊庠入貲以典史分發陝

西歷補定邊蓋屋典史蓋屋逼近南山嘉慶初賊相繼竄擾

邑南數十堡遭荼毒者不勝計成燕蒞任遍訪各鄉凡殉難

者悉籍其姓里積數年得四千七百餘人由縣申請

芳祠爲位以祭陝藩姚聞而義之召至署問狀成燕縷

述其實姚嘉歎不置陝撫鄧以事

聞士民婦女與難者皆邀

賜卹事實並付史館成燕亦蒙

優詔晉升階焉尋遷宜君縣巡檢去任之日民製衣傘走送數十里至今歌詠勿衰署榆林照磨涇陽蓋屋兩縣丞兼轄屋知縣所在有聲先是成燕從軍賊以石擊傷其股久之創據遂乞休鄰縣有重犯越獄成燕捕獲之不居爲己功失事者得免吏議其厚德類此解組後出俸錢購祭田數十畝躬課耕耘若老農然年八十卒以姪孫金鏞兵部主事

馳封朝議大夫

進士李江
誤墓表畧

馬成麟鑲黃旗滿洲人屯居州南崔各莊道光四年春饑立廠施粥全活無算是年又疫死者不能葬成麟施棺木免暴露憂事

露憂事

聞賞六品頂戴十二年及二十四年因饑疫施粥與棺又如

遵化通志 卷五十二 列傳 國朝 七

初村東瀕梨河春夏水漲涉者病之成麟造義船濟人每歲十月捐建輿梁行路便之以子永慶官山東桃源廳同知慶福以御史出爲甘肅知府

誥贈中憲大夫

董文錦字繡章正紅旗漢軍人屯居州城性剛正不苟言笑事祖母及父母以孝聞父廷芳客死遼東久始聞耗文錦誓尋父骸減裝就道泣訣諸弟曰不得父骸吾不返矣比抵遼遍訪無知者資斧旣罄絕食者屢矣不易初志久之或以葬所告負骸步歸時關禁甚嚴文錦作乞丐狀乃得入往返數千里備歷艱苦抵家與母魯氏合葬焉妹四弟二先後擇婿名門弟文達初賈於外文錦不忍使遠離親往招之歸文達旋卒爲營喪葬特厚無子以弟文彬子澄宇爲嗣澄宇後官

吏部筆帖式備儻有父風孫正官光緒壬午舉人以爲文錦
孝友之報

厚恩誥贈奉直大夫

吳常清候推衛子總慷慨好推解嘉慶六年兩淹成災常清
父希天散紅糧百餘石爲鄉里倡道光十二年常清遵父教
立廠施粥自冬徂夏凡九月餘又施綿衣千數百領竟由是
貧其家歿後東南諸鄉猶歌詠之子姪亦多讀書成名

秦定基州南梁子河村人居心長厚樂善好施里人某因貧
鬻妻定基贈以薪米且授田若干畝夫婦得以保全道光十
二年咸豐四年皆以歲饑設廠施粥全活無數年九十歲卒
子孫多以文學顯仁厚猶有祖風同治元年大疫施藥餌者
累月濟人甚眾冬施粥春貸米歲以爲常鄉里稱頌勿衰孫
遵化通志卷五十二列傳國朝
六
海春以選拔擢科第入詞林迭膺視學之
命人以爲積善餘慶

下明州西絕各莊人好義識大體待族姓尤厚族孀王氏貧
寡無依明迎養之終身不衰族兄通以飲博蕩其產明引與
同居婉勸使改行通卒復竭力營葬通無子贖其二女若己
女比卒並囑子姪厚遇之姪國平忠厚亦樂施濟道光三年
饑次春人多無力耕作國平散穀數十石爲籽種十二年國
平復與弟國相國權及村人于純各出穀施粥多所存活國
平子崑孫槐年先後遊庠有聲實家訓云

王鈞字平一國學生州西播鼓臺村人性良善有孝義風早
孤以好施得母氏歡年五十孺慕猶篤道光四年施粥賑饑
至書院義倉皆不惜力輸助復立義學使村童皆得業讀

妻張氏亦以仁厚稱凡善舉無不贊之鈞卒七十卒臨終囑
子孫曰貧富命也勿行不義取禍聞者以爲至言今子孫多
列喪序者

王永州西南麻家莊人好善樂施道光四年捐資施粥
恩賞六品頂戴十四年又施粥如初其他賙卹屢黨善行不
可枚舉遠近至今稱之

孟祥字瑞徽州東下石河人性孝友事繼母尤謹人

不知非所自出也異母弟二復怡怡和樂家數十指終其
無間言遠近善舉輒獨力倡之道光初建義學於村寺中十
數年弗間貧不能讀者多賴成就十二年貧民避荒者千百
數祥百計全之立厥施粥時久費鉅無倦色咸豐初

詔立民團州東諸村祥董率之遠近得無盜警有司迭以好
遵化通志卷五十二列傳國朝九

義匾其門年八十三卒州人多慨望焉子士毅州學增生士
忱畫筆尤勝忠厚能世其家

馬尙鈞長厚好施遇戚友有急難輒力爲排解且不惜出已
財相橋廟善工不可悉數道光十二年捐米施粥全活無
算至六月得雨乃止冬月施衣食歲以爲常以是家漸落猶
勉爲施濟無難色年七十八卒鄉里感泣同聲稱善人焉
張福貞州東南東山莊人好善不伐道光十三年施粥月餘
多所全活是歲施粥者多有助賑邀獎福貞獨不欲上聞蓋
退讓不居已功也

張在東歲貢生候選府知事性端謹喜解喪葬無資者賙
恤尤厚建義學村寺中近村無疏貧富皆得就塾讀成就
甚多子復來孫善先後隸於庠以歲貢就職訓

子廷煥字夢泉州學廩生幼穎異有膽略嗜讀工篆隸書尤潛心經濟之學嘉慶癸酉以副貢就職補雲南廣西州州州州州守牧丞令者七任嘗謂荒服毘連苗蠻非除暴無以安良當以緝捕爲第一要務故所至恒以獲盜匪報最道光七年督修曲靖府南霑河講求疏濬往復河干者數十日竟化險爲平考滿保薦因母老乞病歸養久之起病坐補原缺時開化邱北一帶盜風甚熾有花臉屠戶烏背將軍等名號惡狀不可擢髮數結黨千計有司莫敢誰何道府知廷煥有幹濟才專檄委之廷煥募練勇千餘督率擒捕獲案黠之尤者二十人餘黨悉平自奉檄至歲事僅旬日餘耳文山縣儂匪抗法戕縣丞并傷差弁多人據古龍白塞爲巢穴府檄廷煥署縣丞隨檄兼攝縣事抵任即擒其渠十數人將以次淨其

遵化通志

卷五十二

列傳 國朝

根株而剋期甚迫廷煥不得已復會同汛弁直搗賊穴中途伏賊突起兵役驚潰僅一僕三役從廷煥顧謂曰吾奉檄捕賊斷無遇賊而還之理幸能獲賊吾之職盡矣不幸爲賊害吾之職亦盡矣因奮呼向前賊連刺以長矛僕李玉伏身障之賊解其四體三役同遇害賊并焚其尸十八年四月二十五日事也先是廷煥另案獲盜沈某廷煥察其罪可原釋之留爲捕盜獲及聞變感廷煥恩誓以復讐遂偕其侶直抵賊巢先後縛數十人以獻首犯旋以就擒事

聞蒙

諭祭葬給雲騎尉世職事并宣付史館入祀忠孝賢良祠子若昌葬遺骸於開化城外之新街附僕役於側有司爲建祠於墓前曰李公祠歲時致享羣祀就戮先齋首祭之若昌

職授京官守簡旋坐事罷而畫筆名一時魏式會

魏式會并贊公之壯志皎然太空公之正氣毅然長虹捧檄見孝叱馭見忠臨難不奪古君子風吁嗟乎公以死勤事飛立貳師盡靡方諸前徵忠貞無二孔日成仁孟日取義

布嘉其烈覽奏惻然諭以祭葬用光九泉

賜之爵賞與國萬年子孫世世永襲綿延血食千秋夢魂萬里高堂聞之悲為喜王陵捐驅雲鬪指報國以身死而不死

李廷燮字梅叔與兄廷煥齊名志節伉爽每亦相似道光十

二年舉人二十四年大挑知縣分發陝西署醴泉知縣甯羗

知州咸豐二年奉軍檄亟馳途出峭函值山水陡發僕從逃

避廷燮執不可車馬遂並漂沒覓尸卒不可得事

聞賜卹廷燮無子以若昌兼祧為嗣若昌字小泉難廕縣丞

玉牒館議敘知縣加同知銜分發廣東署清遠知縣董紹蘭撰傳略

遵化通志卷五十二列傳國朝

魁聯姓李氏字蔭庭

東陵內務府正白旗漢軍人郎中慶王子幼好學曉政體試

不售道光十七年援例知府分發湖南歷署辰州常德永州

寶慶沅州等府兼護岳常澧道二十八年隨勦股匪李沅發

事平敘功賞花翎粵匪擾楚境魁聯督勇防守勤績特著咸

豐四年授岳州知府五年擢福建汀漳龍道留楚勦匪授湖

南按察使旋乞病歸六年湖督官文調辦湖北營務并統水

師礮船旋授湖北糧道七年五月卒於官奉

旨優恤贈大理寺卿蔭一子入監讀書魁聯歷任有政聲民

多尸祝之今寶慶有魁公祠子恆琦恆琛恆瑛並有宦績恆

琦字月珊廕生知縣分發湖南恆琛字獻芝湖北知縣游陞

荆州知府恆瑛字鎮如兩淮鹽大使

恒倫字敘 魁聯從子旂學附生納資授河南縣丞道光三十年以軍功陞知縣加同知銜賞藍翎署次城縣凡三任咸豐十一年捻逆擾縣境倫督勇勦滅之同治元年克賊巢百餘寨 巨匪李如海等境內肅清 回任猶未逾月設謀速類如此久之 宜陽知縣歷擢同知知府換花翎十年卒於官在宜陽凡六年興水利開渠道增學校修城垣設礮樓種種善政宜陽志紀之極詳卒後宜民思之建恒公清官廳於縣南郭以誌遺愛云

孫汝霖字少岑髫年好學聰慧絕倫稽古讀書每多心得孫故天津世族父某官福建離尹宦歸寓居州城遂家焉汝霖即入州庠以善詩古知名道光二十六年舉人旋掌教宣府所誘掖多淹博人感佩之咸豐三年以大挑知縣分山西歷遵化通志 卷五十二 列傳 國朝 三

曲沃鳳臺等縣嘗凋殘兵燹之餘以培植民生爲本曲沃候馬驛等處草豆徭役民夙不堪其累汝霖斟酌裁汰去其浮費大半民因以蘇鳳臺當數省通衢當事議就地開抽釐金汝霖力陳商艱得乞暫緩丁內艱服闋選廣西岑溪縣歷調蒼梧臨桂等縣並前後署靈川懷集貴縣等縣事卒以廉幹聞靈川風俗刁悍國課少嚴軌開堂集眾先令此地者催科多不敢到門汝霖親歷各都諭以大義皆感泣踴躍完租未及兩年弊累盡滌蒼桐境之石隴龍坡先有巨匪距寨抗官屢攻未下汝霖蒞任即督勇兜勦並移檄鄰封斷匪糧道嚴厥渠魁餘盜悉靡懷集當明季役重民散戶絕糧存

國朝定鼎以來任官每使輪里賠償遂成故事民多苦之汝霖設法籌填氏得無擾他如修縣志葺城署置祭器表節旌

善無不竭力興舉桂爲省會首邑訟獄繁多汝霖不懼詳
求遇一案必手錄略酌奪擬結惟以不盡得情爲懼比至
貴縣復議籌款築及清理礦山各務竟積勞成疾光緒元
年四月卒於官年七十歲任晉粵者各十年所至有聲及沒
宦橐一如寒素子四楨樓梅皆負異才樾字蔭岑附貢生
候選知縣幼慷慨諳兵事氣概雄偉見者輒許其遠到隨父
任者十餘年家政率肩之措置悉得父心故汝霖在官無
內顧憂而政聲著一時同治四年梟匪擾

畿南樾在籍督鄉團爲防守計制府巡閱至州褒獎有加黔
藩黎培敬夙器樾才檄赴軍次六年五月遇賊陣亡黔撫以
事

聞八年三月十六日得

遵化通志卷五十二列傳國朝

三

旨優卹贈知府銜

賞雲騎尉世職襲次完竣給恩騎尉世襲罔替樾篤交誼鄉
里多愛重之著有玲瓏館詩二卷亦具豪爽氣槓字仲昂工
書學王獻之法能得神骨候選知縣加同知銜樾原名桂又
名樾字丹五蘊藉穎悟特勝兩兄博學工詩初趨穠纖中年
歸入淡遠品格益高海內知名士咸以文字推重之著作甚
富其蝶花吟館詩鈔餘偶墨偶談詩話朝鮮越南日本凡通
中學之國轉相傳售或另梓印一時爲之紙貴以候選知府
未任卒於廣西梅現官廣西縣

潘清字靜字州西石門鎮人議敘府經歷捐陞知縣道光二
十七年授陝西城固縣以勤績著咸豐二年奉檄白河縣防
堵捐廉修其外城民不受兵擾賴以安堵四年調寶雞縣五

年潼關同知先是楚匪翁占魁擄鄭縣清越境擒之六年敘功陞知府歸

親仍留原省十一年乞病歸里旋卒清歷令丞者幾十年所至有聲每去任士民多製衣傘榮其行尤多云後思云

李裕坊字可亭州學廩生報捐從九品揀發湖北咸豐四年粵匪撲武昌裕坊奉檄督勇日夜巡守城陷罵賊不屈與僕

王順赫連元同時被戕屍並無存奉旨賜卹子鑒字鏡湖襄雲騎尉世職

路殺若由行伍歷補喜峯路中軍擦崖各把總太平寨千總咸豐三年謁赴天津河間等處勦匪獲勝調山東防堵四年臨清州陷戰陣亡奉

旨賜卹

遵化通志 卷五十二 列傳 國朝

賞雲騎尉世職

王永馬蘭關人由行伍歷官外委把總千總保定營守備歷署曹家路齋州新雄保定等營都司迭次捕獲直隸山東兩省教匪賊盜三十餘起歷隨叅贊琦善

欽差托隆 勦揚州瓜州一帶髮逆獲勝一百五十

餘次擒三 餘名 自二十餘名歷升直隸長垣營都司甘

肅鎮羌營 咸豐六年圍賊於瓜州之虹橋力戰陣亡奉

旨賜卹

賞雲騎尉世職

王成官千總歷隨振虎勝等軍在甘省張家川龍門鎮傅家川王家川王家堡勦匪陣亡奉

旨賜卹

賞雲騎尉世職

武世昌字鳳占增貢生少慕遊詣知政體考取旗學教習分發河南試用府經歷軍保升知縣加六品銜咸豐十年奉檄轉解皖餉差旋泊船霍邱縣境遇盜拒捕被傷落水死五月二十五日事皖撫翁同書以事

亡例

聞緝盜李常明等斬決示眾以世昌歿于王事請照軍營陣

賜卹十月奉旨允行

馬翰忠馬蘭爾人由行伍歷官外委把總遷津標千總歷隨欽差勝保軍營轉戰兩湖江南直隸各省所向有功歷升湖南宜章營守備直隸密雲營都司署順德營遊擊加遊擊銜

遵化通志

卷五十二

列傳

國朝

三

煥花翎咸豐七年調赴安徽亳州營攻擒匪於八里塚受傷身亡奉

旨

賜卹

賞雲騎尉世職

溫熙之州紳候選同知福建蓮河場鹽大使克定長子父卒事母至孝家貧傭書奉母母病篤晝夜侍疾寢食俱廢禱於神求以身代如不獲請願從之泉下母終不能起含殮之日一痛而絕有可以純孝性成區其門咸豐四年

旌入祠

趙永順性至孝母病篤禱於呂仙祠得籤方須入內作引遂

剖臂肉合藥進母母服藥尋愈

趙維斌性誠篤事父母夙以孝聞咸豐十年母周氏染病頹危服藥罔效維聞以人肉合藥方可望痊遂默禱於天割左臂肉和藥進母母病果愈人以爲至誠感神云

王宏勳州西史家垵人謹厚明大父權失足落井宏勳方飯聞之含飯馳往自投於井努力抱父集井上撈救則父而子死矣飯猶在口也事出至誠不逞計較聞者無不爲之流涕

州進士魯方弔王孝子詩捐軀赴難竭愚誠從井

奚遺計死生阿父還魂身莫救應知含笑勝騎鯨

陳瑛州西石門鎮人居鄉恂恂有長者風兄二皆先卒瑛事嫂謹遇事必稟嫂子聖傳聖經并以諸生納貢瑛以貧胡使輟讀但課兄子無倦意後以勤苦致永康有義舉輒倡行之鎮設留養局瑛董其事無少虛糜歲稔助賑輸粟至數百石

遵化通志 卷五十二 列傳 國朝

三

以候選巡檢加七品銜直藩區旌其門生平不言人惡嘗秋

日登場遇備竊負囊米趨避之若不見者其寬厚類此後家復貧有僕高貴者遣之弗去實感遺惠云

義僕陳喜兒傳附 陳喜兒本名高貴生入歲鬻身於陳遂從其姓陳氏僮僕甚願喜兒碌碌無所入每遭羣僕白眼喜兒弗較也後陳氏貧至無立錐羣僕星散喜兒附熱趨種利盡而心易者禽獸行也豈可以人而效之遂日事樵採得值以贖主人十餘年不衰陳氏屢以券付之使去終不可奪依陳氏終其身遠近嘉其義咸歌詠之

薊州廉貞趙雲龍撰義僕陳喜兒誦 誰周本無恥馮道胡不死人間大義懷然持不在公卿在奴子君不見陳氏奴名陳喜 陳氏殷富里中之豪衣服麗都馳馬僕如雲集各衣絳與綃馬畜之黃金一旦盡大廈不能支無識無知操作是供犬馬畜之黃金一旦盡大廈不能支

良友不來俊僕走春花落餘空枝盛時不可再惟有喜兒在。嘯釵聲較號寒長室如懸磬空傍徨喜兒掩泣沾衣裳主人鬻房乃遷於溫飽鄉迄今稱貸尙無方我何人斯敢望日毋爾叔富索爾去爾其從之勿我慮我之窮困天也以鐵株連恐不理於泛泛悠悠之咒詛。喜兒乞憐跪日任

天小人有肩樵於山鬻於屋日可百錢取幣土人主事日
相對而泣涕漣漣益重小人之愈必欲迫之去矢以窮泉
相禍無衣北風尤勁風入凍隙喜見病喜見病去見一病不
能起主人無柴復無米餽粥之資嗚然止病蘇日已
死矣我死矣足悲願主人者誰。天憐意氣信有詰一
而解病如除仰天大笑聲狂呼主人德盛及於奴疑易受
報解圖。我聞斯語去秋之時得於傳聞將信將疑今秋
忽見喜見面說來恩恩如珠貫負薪猶自供餐飯厨寒難
免炊煙斷我握筠管題諸扇生爲誰今死爲傳爾未讀書
節不愛嗚呼爾未讀書節不愛

徐肇文字小倉幼負雋才十五入州學歷試學使咸器賞之
拔前茅者十數次秋試屢薦不售食餽後納貢就教遂肆力
著述熟於古今方畧而韻學尤精所居日負曝軒種菊植柳
詩酒自娛超然有陶靖節風同治二年授永年訓導以考課
得士心六年梟匪擾廣平肇文督勇分守西城於城上徧豎於
逆張總愚以全股西來肇文督勇分守西城於城上徧豎於
職爲疑兵晝夜巡守賊至城下莫敢犯遂南竄大府多其功
遵化通志 卷五十二 列傳 國朝 七

於奏獎時首及之加五品銜肇文受之若驚蓋不欲獨居已
功也方守城時不避風雨眠食城上者累月竟以積勞成痼
疾逾年卒於官紳罔不哀悼以輓詞述其績甚悉肇文性清
潔一介不苟取所得俸錢輒以購書畫家居時課徒最多州
城士林多出門牆其子孫亦廉謹能世其學云

蔡瑞清州學生性至孝遭父喪一痛而絕逾時始蘇母仇氏
懿訓慕嚴瑞清婉容愉色頗得母氏歡復慷慨樂施與贍族
尤厚堂嫂李氏歿其子貧弗能葬瑞清以身任之無難色處
鄉則進饑必賑遇困必解竟以是貧其家所居日南汪家莊
莊北有古橋亘十數丈隄長數里道光初瑞清率里人修補
之年久復圯同治六年瑞清復慨然倡修所費幾萬金皆瑞
清所董勸也出途者咸稱其德年七十七卒子景 同治

